

子良詩存

于良詩存卷八

番禺馮詢

澹緣道人寄惠羅浮藤杖

我未歸羅浮羅浮爲我長藤杖廿年辛苦老山中策遣
無人自偃仰此藤據石纏長林鍊成筋節歲月深老成
修飾轉絢爛有似碧玉兼黃金道人贈我意何厚祝我
靈壽能奔走昂藏七尺苦折腰卓犖一枝欣到手嗟我
五十不還鄉忽看此杖心徬徨當年已作赤脚販今日
猶爲白首郎杖兮杖兮過頭頭角何峻偉讓爾出頭吾

已矣眼見顛危不得扶
逐逐風塵安用此羨君
捷足登元關白雲羅浮
時往還偶然寄此得強
健或者許我同躋攀轉
憶吾師已仙遇謂想齋道人
坐守丹鑪復誰與安得
化橋直跨四百四十峯
與爾相攜訪師入雲去

招客食全羊

廚頭操刀發號令今日之羊子爲政百割何啻膳役勞
一臠已歎寶筵盛百廿品入食單香獨羊於義取諸詳
碩大百斤及皮尾爛漫五色爲肝腸人生口腹能爲累
鬪靡誇多亦何事脂膏悉索誠老饕甘苦備嘗卻全體

羊成特借行炙人分名別號標錯珍亂折花枝作籌唱
唱動食指如有神或剝或烹紛席几入口烹調無不美
嘉肴聊結具牢歡大嚼不嫌食肉鄙主人遍酌羊羔厄
座中客盡羊裘披既食其肉寢其皮嗚呼羊真無子遺
從來嗟咄矜盤瓊取精用宏偏費揀卻恐瘦羊博士見
轉愁無端一食中人產

苦寒

天心閉塞冬氣偏亂山頭頽澤腹堅以陰造物禁物力
如銀冰酒鐵折綿鼻涕垂垂長尺許歛手相逢作烟語

水天躍馬古健兒冷盡雄心不遑處卻笑風霜亦世情
朱門威令不敢行錦屏厚隔累恩重珠履輾踏羅瑜輕
主人消寒健僕熱奔者走醢役餉酸昨宵聞未極豪歡
更乞門前一尺雪

臘柳

急景催人作蒼翠斂結愁魂不能媚春秋佳日曾幾何
炎涼閱盡章臺地玉顏老去瓊樓改愁裡韶華依舊在
腰肢瘦減立風前苦守單寒知有待連街臘鼓聲聲鳴
鼓聲催動城郭青枝北枝南爭報信條長條短故牽情

勾芒有女嬌無力
接絲團金連夜織
織成轉眼嫁東風
未嫁終無好顏色

梅花歎

何惜一寸土不使死者生
何惜一時力不使枯者榮
俗愛盆山花一曲百媚呈
屈抑到寒梅鐵骨不得撐
梅亦強爲花花餘棄榛荆
慨然拾一株種傍閒垣楹
耳目所不及倏已一歲經
今又盆花來照耀誇几屏
忽復視前株怒發花縱橫
似感培植恩報我以瓊英
又似不甘棄奮與時豔爭
我爲新花憂開過誰畱情
轉爲舊花悲同

棄不同傾而此所種株百廢特一成雖成恐復廢可幸
亦可驚驚幸爲大歎歎者非園丁

懷邱仲魚

君能先我志我轉憶君才三字清勤慎一官歸去來渡
江眠夢穩過嶺笑顏開難得嚴親健看攜治譜回
團圓歸固好久別亦傷情長大看兒女艱難作父兄靜
觀疑物變穩退賴時平回望勞勞者離家日夜驚

夜歸

忽動迷途感濛濛夜氣凝天寒立岸塔水闊渡江燈行

止心千里寂喧城一層何曾歸計決歸署轉愁增

十二月十六夜看月

愈淒清處愈纏綿爲汝遲遲未忍眠花雪風兼三事足
去來今又一年圓誰於冷局還相看謂是餘光倍可憐
纔隔幾宵成隔歲廣寒爭不老嬋娟

喜聞曾童子鵬入泮

無限憐才淚今朝又一彈苦予勤物色念汝幼卑寒歲
月蹉跎易功名報稱難及年能發軔稍慰莫耽安

爲詒盛納粟作小吏需次江西

未知何所戀宦味似清湍更減五斗米爲謀一命官無
家如此苦不仕本來難卻遂匡廬願茲遊兩世看
甚望讀書顯無成心未灰郝前防誤汝日下頗需才用
世期初試還鄉計後來依然舐犢意慎勿作驚駘

以手鑪與幼子玉豐

已爲籌溫飽因時更護身號寒終慮汝得熱免因人豈
識熬煎苦徒供把玩珍廿年吾忍凍賴此足安貧
汝幼固無識因鑪爲汝詳萬無疎手足一片熱心腸家
事安且煥世情炎亦涼他時雖爛漫此意未應忘

雪霽寒甚村店有作

朔風摧晨光能使紅日白慘淡入顏面面湧寒日色舉
手抹涕唾手強下不得僕縮斂衣行殘衣風挑剔日午
黯投店店門遲未闢吹雪如紙錢禁烟作寒食

入店先索酒村酒飲不醉胡爲豐年米釀酒轉無味非
盡酒無味易得求美備倘亦寒威重酒力遽失勢此時
富家郎擁被尙酣睡睡固不知寒繁華夢瑣細

僕止抖漚屨不辨雪與霜平沙視凍篆鳥足疑亦僵天
心憫勞人畫此勞苦場偶步拖長裘烏皮厚靴裝身重

輒滑倒轉賴僕扶將嗟嗟等勞人心勞力更傷
家無一畝田歲歲間豐嗇衰老怯見雪忍凍作喜色耕
者自閑閑問者乃惕惕課農亦空談何如自食力轉看
重擔樵入城趁寒夕

除夕雜詩

斯夕號除夕除偏易動情呼童轟爆竹結局要歡聲
循例家家醉新筵雜舊筵暗中催客老猶道酒延年
一卷五十載消磨歲月繁是功還是過今夕祭長恩
懷人先老友濟世技如神爲問桐君手今年活幾人郭

可舍人

轉念舊遊侶爲官各一方此時勤拜跪恐比祭詩忙

符雪

樵大令

四人今剩兩兩復老傷離十載此一夕爲歡未暇悲

時子

戴兄來浮擬度歲卽歸里

果餌喧兒女全家樂事饒轉因無饋歲始悟故鄉遙

珍重鄉書寄書成徹夜看封緘貯年日卻費憶支干

守歲何爲者愁多睡不能天明猶戀戀念是隔年鐙

忙裡偷閒暇更闌得句呼任教時俗笑不肯賣歎迂

郎百里侯曾奮萬里跡兒女望西笑讀書人殺賊謝錫
與何舅少年並人傑把袂玉門關依依戀行色轉恐楊
柳愁親戚重離別卻念君俊才聲價在鸞掖縱不得封
侯筆可燕然勒英雄汗已赤才人心血竭不然沙漠山
色孰臙脂設捲圖急還君書生膽易裂

太行立雪圖爲袁穀廉大令題

翼

題

袁安日閉門避雪恐負雪名士但高卧天地黯無色
峩中條山一股割地脉化爲玉千條戲作花六出嗟君
冰雪心乃困風塵轍欲避不得避只覺人間熱躍馬入

永天慨然念遊跡明明王屋間
朗朗玉人立氣冷卻不
枯紫衣錦勅勒俯視銀世界
萬象一色抹轉笑閒花樹
瑣細點紅白

張春槎司馬屬題歸耕圖

無田不能歸農夫笑我窮有田不肯歸農夫笑我庸嗟
哉農何知豈故遲歸蹤焉有天下瘠而可身自豐瑞州
張太守時攝郡守政閒方勸農我來自田間忽念與農同作
牧三十年縣令而郡公辛苦幸有成身健情已懽慨然
錄歸田兼復圖幽風題詩索到我我心方塵蒙百里苦

飢驅進退將何從
安得隨公後並入茲圖中
公爲田舍翁執鞭吾牧童
或分二頃田各營一畝宮
山中幾春秋老社今報功

浩歌

淚漣漣飛上天化爲雨灑旱田
旱田得雨歌大有可惜
我家無一畝家無一畝耕
菜畦旁人乃以英雄疑
荒年穀貴貧兒休豐年穀賤富兒憂
暑雨怨祁寒怨豐年亦怨食
五斗米怨萬爨得食不飽衣履單
瑟縮賣炭求天寒嗚呼民乎難乎
不難嗚呼官乎難乎不難

我友我友古符融清無一點塵在胃胡爲塵衫束爾躬

符雪樵

白雲層層門戶封轉憶入山郭林宗

郭羽可

哭叫天

南杜夫子綵筆如花命如水不得白頭看爾死

杜玉田鳴

呼我今作官矣何以作官兮何以報我知己

盍歸休乎架上有書手中有壺我爲讀書勞我軀棄書

事酒酒亦官廚官廚有力媚宰相傾城傾國傾家釀

苦雨

六旬不出戶未必是閒身胸次有萬漏眼中無一塵澤

優非物福滯久亦緣因衣傘輪遮瓦可能遮路人

滅沒量湖尺倉皇報水書

滕王閣下立石於水畫爲丈尺以測淺深時省門書至漲

已丈餘且入城矣

處堂耽燕雀入市忌猪魚

大吏祈晴禁止屠宰官禱惟

豐稔民憂非歉虛

頻年錢米價過賤官民咸以爲憂

迷濛不可辨天意

欲何如

聲好抑聲惡思聽翻畏聽廿年勞客感五夜老人醒書劍舊今館泥塗長短亭不知閒草樹同死爲誰青

豈獨佳遊悞蹉跎事事虛雲同家累重月比故人疏愁

積成春晦時辜補閏餘

閏五

轉將圖笠屐久伴忍忘渠

吳薌冷大令謝官歸養寄詩畱別兼索浮梁瓷器

因送資答詩

入春三月兩月雨冒雨奔馳走溼土稍息正坐愁滿懷
詩來忽感吳侯語侯也卓犖少不羣約我把臂投風塵
卻得先歸歸有母母昔望汝官爲人十年一官以窮勝
吁嗟窮倘稱善政俸錢斗米日不給十萬軍儲檄供應
官廚冷落烽烟氛家書到家驚老親不得封侯豈可餓
縱官富亦輸家貧聞君一去不回顧太息咨嗟滿行路
度支何暇及山資准折猶煩罄家具大令去官日以市
道盡棄所有作抵
春風習習飄春衣春花緩緩君可歸歸歟拂袖乃如此

往者絕裾將何爲送君歎君無長物向我索瓷供母食
定州青花雪顏色還汝阿母清白質

風雨中得張小庾貳尹

豐玉

書開緘則贈予船房

落成詩也感而賦答

廿載萍蹤半九州家如泛宅歲如流奔波險阻公無渡
到岸艱難汝作舟四海亦知前路闊百年誰悟此生浮
風濤寂靜帆檣餐便不能收且暫收

翻感張融問所居悠悠水陸定何如似憐風雨三椽屋
爲寄江湖一紙書舟楫共操聊唱和笠簑纔換便樵漁

已同畫艇慙無補卻費經營莫忘諸

張小庾貳尹席上看刀戲歌

夔夔畫鼓鏘金鉦伎人曼衍百戲呈轉九連索不快意
寶鞘笑出騰光精我聞兵者是凶器胡爲乃以刀爲戲
伎人重戲不重刀戲不擇器技益高銚澀人手柔如膏
一刀徐徐兩刀疾三四五刀梭亂擲花團雪聚鳥翅偏
猛虎跳卧蛇蜿蜒鏗然擲地訛刀吼滿視地中卻無有
刀乃峭立伎人手忽復見刀不見人刀影亦化爲白塵
此時人刀慘無色但聽滿堂聲唧唧張侯愛刀開舞筵

可惜坐中無呂虔使人食力拼力盡力盡望誰爲汝憐
嗚呼棘門潮上亦戲耳區區一刀何足齒刀頭取辦卻
英雄君不見王郎貴以拍張起

敬追和白蘭堂千巖山藥花

白蘭堂先
曾祖集名

燭龍銜火煮海隅海氣蒸山爲華不自蘭堂以潔白勝
爾茶者開胡爲乎陸羽品茶尙淡薄試茗只潤吟腸枯
此花名淡色則爛璀璨出自盤錯株吾粵海國盛奇卉
素馨弱小青榕粗紅雲一宴眾材集桃柳麩熟柳漿酥
罌粟船歸萬鬼笑亦恐含笑爾愚爾茶得毋欲爭炫

南強北勝徒區區輕紅淺紫不足數故以層疊呈紛敷
豈知離明屬南海別有絳樹非珊瑚廣州二月赤城赤
木棉突出羣豔無

讀白蘭堂姑蘇城別邦直姪詩敬題

皇皇歧路行切切家庭語愁逐馬西東踏碎雨花土吳
越亦仕國爭戰及歌舞誰於繁華場奮志得健舉老宦
勛猶子兩世吾與汝此意垂無窮茫茫憂孽緒

子皋伯兄拙園遺稿刻成詩以追悼

廿年未就哭兄詩轉見兄詩不忍思伯仲文章花萼集

神仙鄉土竹枝詞

士鄉竹枝詞見宰黃縣時作兄以庶常散館改知縣選山東黃縣縣屬登

州有謫居猶得近蓬萊印

章詩用神仙語蓋兄志也風流頓盡張融老往事全非

向秀悲蘭蕙並殘蕭艾健蜂腰如我豈能受

子芬弟詩亦秀雋與

伯兄皆

早逝

紛紛功過不須評身後蕭然便是名親在白應榮辱重

官卑胡弗去畱輕青春聽雨還鄉淚白晝看雲憶弟情

一謫痛心重謫死讀書何益送殘生

兄既以改知縣爲恨又因公被議畱

滯山左至屈抑以死時予別兄十年矣謁選入都過濟南歡聚僅一月而兄遽逝痛哉

筆墨痕全化淚痕故山回首記同論平生風義兼師友

予自少從兄受業再世因緣倘弟昆富貴升沈齊乞食文章生死楚招魂諸孤或識親心苦舊業無多矢弗諼

黎蘊璞上舍

省躬

屬題其尊甫科松仰鶴圖遺照

我別黎君十年餘出處旣判忙閒殊日望故山不得返感君寄我風塵書開緘忽見涕淚漬羣鳥拆散風木孤轉念老翁舊手植蟠爾鱗甲哺爾雛不知幾費培養力眾鳥有托株扶疏昂藏松叟鶴作子鶴也長大松不枯一鶴冲霄一鶴伏伏者行亦毛羽粗老翁盤桓樂已矣賴爾子和如笙竽嗟我鴻爪尙畱滯飄若蓬梗馳路衢

蒼官青史號亦俗豈有鶴肯乘軒車何時結伴萬松裏
買山構宅師楊孚白雲山頭臺鶴舒與君翱翔山海隅
折枝作塵髦被軀各攜眷屬仙爲徒惜哉題詩未見圖
願留証我言不誣

求雨

旱田萬口合不得裂土似聞聲唧唧土不能言我代言
官長有官民有田無田民死官依然亦未知官賢不賢
求雨不得願官遷官遷隆漦至開府昨聞大吏晚旱土
龍之爲靈昭昭也無端火德變爲馬啾啾赤帝騎爾來

昔何靈異今虺隤有善不終生亦死有權不用神亦鬼
東雲赫耀西雲翳欲晴故陰似游戲桔槔升天筦入地
得勿天厭人機智煎而窮之使人畏饑薪是骨湯是淚
含辛茹苦皆天意豐年易得飯無味

枯塵壓地乾風吹禾稼向秋如草衰幸未逾時心尙癡
叢叢黃中搜綠遺似綠非綠苗一絲一絲萬命人不知
擴而充之百卉腓此造物者力噫憑誰

肅冠裳屏蓋傘官衣長民衣短香殘烟滿心急步緩不
得語愁得語歡歡或在民愁在官愁不如歡心辛酸

法師鐃角轟到天雷不得鼓
電不得鞭天自寂寞人喧
闐喪家之狗聲皇然喘月之牛心茫然牛兮努力自供
養勿累城南癡宰相

今日解司庫明日解道庫
征解有期額有數偶一愆之
爲望誤嗚呼安得此情向天訴
五風十雨如期赴

南山師命和春遊詩次韻寄呈

春遊多言
粵東戲圖

一官奔走似興臺
望斷鄉園信未來
正恐絃歌夫子笑
忽傳筵宴主人開
韶華易逝嗟何補
高會難陪愧不才
猶是後堂聞樂意
淵淵金石壯心催

雅頌承平唱藝林鼓鼙全變管絃音北門鎖鑰樓臺色
四方礮臺之捷南國煙花士女心絲竹暗更防興盡履簪頻散
轉情深此中想別饒真樂他日追隨更費尋

再疊前韻題春遊唱和詩卷並呈南山師

新卷如親舊講臺一般雲集快朋來神仙遊戲春心動
傀儡壇場倦眼開曼倩雖諧非玩世寄奴不解是粗才
旗亭一唱須千曲想見先生擊鼓催

畢竟佳遊屬故林竹絲山水總清音看花前度劉郎意
聽曲中年謝傅心道在文章知己重語關情性入人深

依依忽憶江頭樹二十年來又幾尋

沈烈婦李孺人哀詞

烈婦江左人其夫弟沈槐卿明府爲作徵詩啓

一訂雙飛誓不孤心肝靈慧血模糊揚清表潔尋常事
能死方稱大丈夫

溼哭乾啼無限因宛其死矣總如塵卻思此別應含笑
慷慨床頭已許身

一寸肌膚一寸金會將殘毀轉沉吟如何愛惜纔無負
憶著當年熨體心

從容就義古來難酖毒如飴七箸聞此酒何容更相勸

一般殘局惜紅顏

惆悵年時出繡幃
于歸今更死如歸
能容己志真何幸
未費畱書白粉扉

便操冰雪老星霜
親聽崢嶸說路旁
何苦眼看新綽楔
付人歡喜自悽涼

堪誇婦烈比臣貞
埋玉深深地亦靈
無此數坵乾淨土
世間何處種冬青

徵詩啓有宰樹新封倏長連理之句

玉折蘭摧花柳荒
風流頓盡更誰傷
九泉定感江東弟

一首新詩淚萬行

送吳竹菴司馬入覲

江吏苦資格破格事則難久困飄然行有如初出山我

我豫章門仕國名利關嗟哉百里區坐使雙鬢斑縱或

擢清貴實乃投散閒非無超越材例若防以閑

江西無題缺知

府知縣非大吏破格保薦則循例權司馬止耳公也三輔豪亦復來是間赤縣

薦卓異黃堂攝劇繁奈何一青衫寒暑二十番設茲廿

年中置公權要班以公之經濟力可彌宇寰方今正需

才昨者

明詔頒前席將有問後車未許還想公矍鑠姿有喜知

天顏丞守而監司仕路看翩翩此行是發軔又是脫籠
樊要非松柏心難可供錯盤送公轉望公可望不可攀
大年得大位大才愈磐磐作詩特小言豈足爲公歡

爲李陵雲鄉親題照

草堂一別廿回春水色山光似怨人忽見畫圖思影幻
偶談鄉里覺情親詩書獨坐堪千古風月能來是四鄰
如此園林隨處有輸君兼有得閒身

招沈槐卿大令應西垣廣文張春洲少尉范采之
王禔亭孫海門徐長伯四記室陪心蓮郡尊薦

福寺齋集

公廳寶集梵王宮

唐張蠙詩公廳
惟伴野僧齋

各似心持戒律崇甘

種鮭成僧庫侈五侯鯖到佛門空必求淡薄原無味不
偕肥甘亦有饒卻恐臙神他日笑更教羊踏菜園中
且作茶瓜會一番亦知塵味淡真難王維便作升堂客
蘇晉防嘲佞佛官湖海未歸蓴菜棹雨風聊話韭花盤
茲行頗不差凡骨得附靈芝許共餐

野行口號

父老談年穉子譁今年不比去年差平疇十里鋪如雪

馬上銜杯賞麥花

廟碑

小廟修成大路邊無多經費萬人捐殘碑具在憑君核
一箇浮名值幾錢

送陳升甫歸里

升甫安徽太平人

竭來雙槩隻身輕閱盡江流慨此行一冊卑官新秘監
三朝耆老舊諸生曾於圖畫窺顏色昌南五老錢春圖升甫居其一早
被風塵識姓名今日才華都歛盡座中應不要人驚
多談身世少談文會既勞勞別太勤數米料錢應笑我

錢糧報解支絀升甫輒爲籌畫典衣貰酒恰逢君升甫寄詩書範食原

難事金石論交久不聞卻指黃山問歸客半間茅屋可容分

村亭

上流泉合下流分泉上郵亭是要津父老謂亭經百載今宵纔見聽泉人

聞泉

歷盡巖崎道路艱來猶曲曲去灣灣於心已覺難爲水其勢安能不出山四海事誰他日定十年官是此宵閒

無端便欲參禪味恰有僧瓢掛壁間

投宿

沉嵐盡日走崎嶇忽睹平原氣欲舒
四角亂風中市旆一肩斜照下山輿
薪芻辟道官驚犬禾黍登場婦媚猪
到此轉教慙肉食野蔬村酒入行廚

漫興

自覺迂官亦腐儒喜離城郭入鄉閭
人前問路如求字客裡看山常借書
高下綠蕪經燒盡淺深紅蓼帶霜餘
漁翁一舸傳三代笑語衙廳是泛居

樹齋少寇屬題如此江山圖

如此江山浩蕩中不知淘盡幾英雄
干戈銷滅琴尊健來訪焦生一畝宮

羣峯北顧水東流如此江山豈得休
拚擲金銀山兩座

年年江上買離愁

蒜山一名銀山

樓臺十二路三千憂樂茫茫到眼前
如此江山勞亦逸

蘇公笠屐祖生鞭

畱鎮山門仗墨林轉因提唱想豪襟
風濤怒處蛟龍聽如此江山敢浪吟

松菊猶存圖照爲邱壽人夢儔題

鏡中顏色畫中窺一逐塵勞萬願違形影未投明主夢
心思聊息丈人機不妨性拙癡兼點若論身輕瘦勝肥
何必定求陶令宅但堪容却便須歸

家無長物有何存存是殘琴舊酒尊八口移家思栗里
十年種樹得邱園香中雨露偏能澹靜裏風濤覺不喧
欲寫高寒難著筆知君相對已忘言

鄭芝生大令同年

世祺

見示星鳳樓法帖賦贈

閩南鄭君博古才手攜古帖訪我來是時沉沉大風雪

寶器光射天爲開鈎銀畫鐵裝以玉謂我能珍許我讀
讀罷忽憶神工鑄天地亦驚鬼神哭淳化閣帖世所傳
此帖當在淳化前晉唐風格今始見愧我學書三十年
藏之名山特有此便老山中無負矣娜嬛福地忍遽拋
古澤恐遭流俗鄙人物出處會有時文章或劫數或奇
主人落拓物亦賤君也攜此將何之我亦故山不能守
與君執掌風塵走傳書萬卷棄如遺寶籙羨君長在手
因茲轉復嗟窮通各談歸計心忉忉君家閩南吾粵東
頻年夷亂驚火攻玉石俱焚況一紙故家遺物今有幾

願君與帖存終始

丁未新正三月初視公事有作

番番佳氣上眉端自笑儒冠老更彈十載有期應報政

是年俸滿一方無事好爲官姓名香是司花檄滋味辛於薦

菜盤多少未完公案在塵中經緯霧中看

三千牘裏百花前憂樂於茲感最先已負親朋慙薄祿

倍耽兒女覺衰年倦思休沐纔三日拙試聰明更一鞭

又見書司曹佐走如牛何不令耕田

書司曹佐走如牛李昌谷句奸胥猾

吏盡使歸農豈非太平世

界惜若輩不肯如牛也

沈槐卿司馬屬題夢游滄海圖

司馬爲子言憶弱冠捷南宮榜初發

是夜夢與一人同爲御史同上書劾權貴大忤旨倉皇偕去相將入海海固有島宮殿邃麗一青衣童子出逐客二人婉求庇護且問來因童子少入卽出傳仙語曰爾二人前程正遠大宜亟歸既復持畫以示雲水蒼茫中一僧一猿不喻何旨也方共閱間童子舉袂一揮遽驚醒畫景歷歷在目倩友圖之且徵詩爲異日質證云

二十年纔萬里餘無端幻影現華胥
六街御史青驄馬
三島仙人赤鯉魚
悟道在曾經海後
論功於未出山初
不知何與猿禽事也
復傳神借到渠

送張春槎司馬歸里

宦成不返意何居進退如斯綽有餘但使三千全了牘

未煩七十始懸車朋儕已贈歸耕什

曾作歸耕圖

父老能言

報最書似聽一聲長嘯到孫公臺畔舊門閭

勞勞吾尙逐塵寰爲送公行轉自歎四海交遊今剩幾

一官歸去古來難飄飄伊洛平生意戀戀匡廬別路看

卻使玲瓏知不得蜨花纔唱淚偷彈

大著詞卷名蜨花樓

柳陰觀荷圖爲湯松菴大令

涪川題

十年前已識湯侯近者更共鄱湖舟鄱湖花樹醉烟雨
卻恐難免風波愁我慙束縛君遊豫君有風波不到處

幾經培養得名花恰好娑娑蔭嘉樹何人知是宰官身
眼有雲水胸無塵茹雪含冰久在抱尋花問柳聊傳神
吁嗟人生適意卽行樂柳荷豈盡清涼國萬條綠攪亞
夫營一片紅迷王儉幕想君卽事別會心雖出山去如
入林亭亭未改君子節濯濯更浣騷人襟況復袁宏扇
搗取扇出南薰撲眉宇政成一笑百花開盡是青紅小
兒女得勿仰慕彭澤賢宅邊種柳社結蓮柳腰縱折君
自在蓮心獨苦吾熬煎憶昨君鄉送歸轍湯同鄉張春
棧司馬正解
組歸計日梁園賦雪月倘教回首見斯圖納涼定笑官
里

衫熱

鄒子元秀才赴省試舟泊豐城爲崩岸所壓受傷
落水救歸遞殞詩以弔之

才人飲恨古今憐太白靈均兩水仙百變谷陵原是岸
幾時滄海復爲田似君飄泊名何用與世浮沉力匪堅
到底鋒芒呈不得倘曾攜劍動龍眠

信宿鄉館食居粗適客久忘勞蓋時節清和民物
休暇以有此樂也怡然自得遂得此詩

我僕方痛我馬頽此間何樂獨徘徊公平市倘韓康住

潔淨居宜郭泰來安飽不求隨分足樂憂無事轉心開
忘機敢道真忘了眼見難馴有雉媒

催耕

朝朝暮暮聽聲聲喚雨還疑又喚晴一笑靈禽真似我
自無田畝苦催耕

門人鄒劍鐸孝廉

變劍

自永豐訪我浮梁此答見

贈之什

望君逾厚別逾思風雨同堂又一時名士詩投官不俗
孝廉船泊眾皆知吳頭楚尾方前路字水文山倘後期

卻想春風湖上客綠楊如鬢拂絲絲

蹉跎舊願已全虛濟世何功轉困予俸薄更無周急策
官微敢有薦賢書十年似我徒爲長百事於人總不如
差幸飽山雲可贈爲霖他日莫忘諸

飽山浮
梁山名

見人圍鑪賞雪圖感賦一絕

淒風苦雨雪花殘卻助朱門盡夜歡士女圍鑪賣炭
一般情切望天寒

贈湯雲伯少尉

恩釗

我因蔣刺史得識湯少尉少尉時未遇刺史愛不置愛

極遂爲師授畫授詩字少尉資品高精進又忘瘁我時
從旁觀料此必偉器未幾兩載別遽爾一行吏今者訪
我來見卽出所詣官卑才不俗揮洒筆墨恣敵面旣刮
目專心益致志長拼五夜功要進千秋藝嗟乎我少尉
學有用者貴以茲文學力推之於政事學道則愛人於
物必有濟少尉聞而歎謂合刺史意刺史意何見以所
贈詩示戒以知艱難勉以求精細悉是循吏心不作書
生氣刺史愛誠厚少尉情愈摯因更索我詩我意復奚
異何時我三人聚首相把臂名業奮互期文字亦不廢

少尉正少年我將拭目覲

贈鄒芥舟

老友我鄒君歷鍊而有學必從歷鍊出論學始精確我
誠不識君平昔學何若但聞鄉社間宰割備斟酌我初
閱君文賞其識力卓惜哉薦不售屈就爲學博我宰浮
四載君來兩秉鐸每於論文暇公事坐商推書院勸捐
成復有義倉約所見固甚大所行卻不廓乃知百鍊材
隨在見廉鍔平生至愛士士也幾卓犖德功誠難期學
亦半浮薄書生好大言舉動輒偏駁實事而求其所貴

歷盤錯今者動上官君名記待擢官無論閒要念必關
憂樂吁嗟我老矣君亦非少弱虛譽豈所期努力慎磨
濯毋令鄧禹笑笑人甘寂寞

贈洪小禹甥

光岳

人家重團圓內親而外戚兄弟我四人姊妹卻寂寂幼
聞慈母歎以無女爲憾吁嗟渭陽情最繫人胸臆小禹
我族甥誼在匪疎逖戚以少愈珍見君倍愛惜君舅我
族弟少從我儿席我愧爲人師弟學甚精闢恨壯不成
名困苦難家食奮讀鹽鐵論亦不廢書籍十年遂成家

家道豐不啻於我情依依念我遠供職薦甥司度支謂
可臂指藉我無理財具賴甥以不忒而甥極虛心事事
必請益我何以益甥願似弟才識牢之酷尙舅竟立蓋
世績謝甥何舅才今古稱嘖嘖他日返田園特壯叙歡
懌君譽旣嶢嶢我亦好顏色惜也未能歸我老官尙瘖
君亦業未就年少心惕惕作詩以贈甥望甥其努力

示樹屏二姪

玉滋

兼寄尹平大姪

玉衡

汝父好讀書教子心更切記汝不肯讀撻汝至流血汝
父今已矣汝血衣上結今喜汝得官汝父爲不沒讀書

期有用豈一科第掇汝亦軍功起投効得顯達伯也刺
史銜仲也少尉職念父讀書心仕優學勿輟汝父作好
官毋使清聲絕叔仕已十年刻刻防隕越吾家世仕官
子孫務奮發卻要戒躁進躁進者易折穩步徐徐行乃
是萬里轍

答郭羽可同年

入山二十年忽爲飢驅出結交而令貧友得無愧色老
可我畏友相契在道德千里一紙書紙盡意無數上言
友生離下言妻死別鬱鬱平生心貧恥謀生術讀罷愧

轉喜喜君卓風骨諒非尋常流所肯吐肝膈翹翹松柏
姿逐逐萍蓬跡豈有可閉關而甘事行役行役雖云勞
終勝我跼蹐卑官老何補百里困一轍歸則窮無家行
又限有域安得如君身閒鶴沖風翼卻恨五湖長亦苦
一水隔咫尺見芝山不得採以食屢約芝山之遊不果因茲復悵
悵報君長太息

示君平二姪

汝少性未堅日夕望汝老未老而老成今汝更可寶子
然七尺軀走此千里道欣欣來投我謂我不汝惱汝叔

實癡叔一官飢不保眾人皆笑我笑我醜頭腦不惜遠
來投汝意亦矯矯何時與汝歸閉關事卻掃汝我子若
孫噲笑索粟聚此事乃真樂此樂最耐討人生百年間
富貴亦草草作詩示阿咸毋遽鬢白皓

王子梅詩信告貸無能應也仍答以詩

杯酒論心記得真十年生事轉傷神殷勤遠句呼將伯
慚愧空函達故人謀食笑君如我拙工詩從古至今貧
飢寒但瘦憂能損千萬塵中要惜身

爲浮梁縣試第二名童生吳江澄作

道光丁未夏浮梁縣試士既考更招覆覆卷紛閱視中有吳江澄前此卷抑矣倏然昧忽明無理得至理理得愈尋繹妙極不可擬似恐與眾人一字同卽恥又似恐人識識卽非奧旨一卷眼乍新萬卷皆故紙又有吳華卷圖熟見盡喜遂將華也文持與江也比華以喜爲工江以喜爲鄙江以資性超華以學力抵愛華而敬江與友論孰是江譬聖之清華也時派耳友則率然應聖之時更美我時豁大悟眾論誠若此郡試復學試縣試特伊始此後閱者多與我同有幾恐疑塵吏昏甚或以利

市舍正而取奇豈能免謗訾決意華居首次乃列江爾
卑官吁可憐畏慮萬事靡安得如江文元傲氣骨峙江
謁退必笑縣宰迂夫子

陳石逸少尉

長吉

見示百尺樓詩集題贈

手攜冰雪入塵墟清氣如君得有餘一職知名詩簿尉
十年遊藝幕琴書吳頭楚尾偏逢我王後盧前倘置渠
轉惜登科無李杜工吟何益譽仍虛

承平雅頌儘堪傳忽感悲歌有此篇

集中京口諸篇尤關世道故獨及之

籌海江淮爲要地塵兵瑜亮是英年必開邊釁胡爲者

但說鄉愁恐未然畢竟是佳公子事醉聽簫鼓下樓船

心蓮郡伯出示與瘳玉峯司馬沈槐卿明府遊芝

山暨薦福寺詩賦呈二首

遠追顏范古循良一樣宮庭愛景光猶見漢儀臨大郡

偶依唐例展重陽祥雲瑞草神仙宅膏雨芄苗士女鄉

郡伯以連歲得甘霖作喜雨詩

便領郎官湖上宴絕清風味許同嘗

翩翩旗旆拂風清範水模山出郡城望重一時胡伯始

樂尋三徑蔣元卿僧知性定邀談約吏趁顏開報句成

似聽部民歌九叙疊催蘭瓣應芝莖

有九瓣蘭花之瑞

題沈槐卿大令學製草

舊作君才錦不如卻緣學製轉心虛千秋召杜無傳譜
一種申禕未見書政豈多言非得已刑猶知感況其餘
漢家卿相親刀筆畢竟功成薄吏胥

一官百里十年勤繁劇頻移此策勲便報循良書可最

若論廝役硯應焚魏末縣令多用廝役北齊後主始以士人爲之無情案牘長

愁我有用文章竟付君想見冰霜寒署夜五花心血九

秋紋

唐制有五
花判事

芝山圖爲胡心蓮郡伯題

大造本無私休徵亦有時桑麻禾黍足餘力產靈芝
霖雨及小草雲霞生道林政成憂亦樂寫出顏范心

送周黼堂大令

廷光

之官黔中

慷慨平生策治安卻因臨治轉心寒無才敢入陳琳幕

大挑後遊幕三年始出仕有願終彈貢禹冠熱抱宦情供職易遠簪

歸計別家難要知報稱須全力是受恩名記此官

羅江東詩

官是受

恩名

萬民命重一身輕肯憚羅施鬼國行州縣有官皆赤緊
華夷雖異總蒼生花蠻鳥新歌舞阮酒陶琴舊性情

慚愧蹉跎吾俸滿爲君初起聽先聲

時子將報俸滿

武小原別駕

衛

屬題桐陰課子圖

青箱事業絳帷經看到團樂轉動情馬帳並傳女弟子
鯉庭今見小門生露邊吮筆應三味風裏裁琴又一鳴
贏得詩書好門第綠陰如水舉家清

暫拋鐙檠逐塵轍且喜功成蠶未班百尺龍門望喬木

廿年鶯嶺別家山

籍隸鳳翔縣

何時更購書千卷此意兼收

屋萬間樂在蒼生纔子弟謝公勲業豈能閒

對菊圖爲金仰之題

冒雨陵霜幾費心一枝來就不須尋
山中秋色知誰屬

陶菊如今已姓金

孟東野詩金菊亦姓陶

豔色何如正色尊紛紛黃紫鬪秋園
先生別有評花法閱盡榮枯總不言

醉茗園爲史術甫貳尹

觀瀾題

調泉守火定塵譁寫出風流屈宋衙
淡極轉濃秋有色竹梧成實海棠花

似醉如醒倦眼開勞勞翻喜得追陪
他年倘叙風塵話記飲黃塘水一杯

時予于役德興與貳尹同宿黃柏塘村館

沈槐卿以李老寶所作萬竹圖照屬題

君不聞夷齊高節孤竹孤渭川千畝胡爲乎咄哉李君
乃似欲盡天下之竹爲此圖知君成竹胸中有畫出萬
篁如萬柳柳腰瘦甚竹神清恰肖沈郎好身手沈郎年
少仕有餘繁劇屢判束筍書入林風味則已矣干霄意
氣夫何如竹兮竹兮造物有生必有用錯節盤根爲世
重伶倫截以裁笛笙嶰谷遂有鸞鳳鳴忽復化龍勢飛
舞舞動閒雲作霖雨功成位置泉石間爲筵爲杖爲釣
竿卻悔嘔心初變紙心枯終累管城子人生識字憂患

始嗚呼愛竹胡愛此畫竹且勿與竹謀沈侯本是瀟灑
侯落落兩袖清風收清風以外無長物何由爲竹生顏
色獨立蒼茫轉蕭瑟我亦買絹求丹青畫師畫竹莫畫
聲風塵夢醒仰見霜月白無賴況復聽此啁啾嘶嘶更
覺難爲情

得吳石屏書似有勸歸之語宦途危險予豈不思
進退維艱重負書意作二律答之

語極纏綿卻未明感君書意轉愁生老偕兄弟真難得
年來故舊半作古人石屏兄弟
老健如故時皆歸里至足樂也危勸親朋亦至情人世

浮名絲自縛吾儕無事酒同傾極知愛我非招隱筋力
將頽戒遠行

遲遲作計未全非縱遂初心恐更違已後再來殊不值
此間何樂可忘歸無才自合藏鳩拙有祿翻防食雁肥
悔戴儒冠拖組綬身輕終讓水田衣

武小原刺史自繪對山讀書圖屬題

刺史居近岐山圖爲思鄉

作也

一山林屋四山雲百尺樓頭七尺身不必再求修鍊法

但能好此卽仙人

昔人云仙人好樓居而刺史有散澹小神仙之句

憶別家山入

帝都岐陽遂與客同孤何當愛妾兼名馬爲補周人返國圖

米老倪迂不可攀偶摹墨寶重人寰從今紙又長安貴贈與巢由當買山

局促翻嘲謝幼輿一邱一壑更無餘如君曾次知何似

千里江山萬卷書

曾爲予作萬卷書樓圖

先室吳宜人沒二十八載周宜人沒十九載計今

年皆五十一歲矣命兒輩置酒爲生日之祭懷

然有詩

刻意傷春又感秋無端虛度歲悠悠也知終亦歸黃土
可惜生仍未白頭再世因緣誰復見廿年涕淚不曾收
白楊紅粉悲何了悔別鄉墳事遠遊

噓噓笙管鬧華堂誰識檀郎暗裏傷苦認畫圖神彷彿
記辭湯藥語淒涼篋中續命曾無線鑪上還魂倘有香
便博俸錢齋復奠展卿眉恐斷卿腸

百年能得幾晨昏離合悲歡亦太勤兩度織纈還織素
一般如夢復如雲畫眉今日非嬌媚食肉當年共細君

故劍本來拋不得卻經磨滅黯霜紋

佳兒佳婦眼前來也合團樂鑒此杯人世榮華原如電

誰家酩酊到泉埃老防子弟知多感

謝太傅語

貧對貧孝愧

不才轉怪堂前嬌小女謂稱華祝笑顏開

哭吳淪齋中丞師

梁木其頽小草溼重尋遺澤倍傷神絳帷何地疑天上
青眼於今望古人若論胸中誠廣庇卻聞身後極清貧
春風二十年長坐轉爲飛花感溷英

遠道書來紙勝金展書愁苦更沉吟數行慷慨酬

恩淚百種纏絲念舊心

師病中寄書極道君恩深重未忍引疾繼則以詢宦況卑貧

曲爲籌慮言猶在耳良可悲哉

事業世間原不朽英雄門下尙如林

微欲報何由報知己傷多病亦深

遊觀音閣次韻和蔣矩亭刺史

淨境何庸更閉關修來福地勝鄉環江湖客倦思投寺

風雪人稀正到山跡幻偶逢千里合功成須辦十年閒

樓臺烟雨南朝路四百禪今見一斑

浮梁舊屬江南至今閣外石坊猶貯

江南雄鎮四字

不肯還山負向平山神應怪我寒盟桑門有饌終嫌淡

竹院能談未必清
愧逐津梁防佛笑
恐驚流俗背人行
與君便作形骸放
卻厭閒僧苦送迎

黃少鐵大令

之晉

屬題萊山夢隱圖

曳紱何如戲彩斑
夢中回首望慈顏
一官幸食仁人粟
百里全收孝子山
何力報於生我後
此身來本自田間
歸耕有地愁無具
笑載殘犁斷鋤還
萊山耆老每於土
中得農具非時式
蓋老萊子
所遺云

少鐵大令屬題彭澤縣乙巳齋

靖節節不彰彰在詩文集
謹紀義熙年如用漢家臘
奈

何卯金刀遽竊典午業公節乃千秋公職止一邑一邑
千秋地不入劫灰劫又千五百年遞閱廿五甲同官復
同歲前後忽巧合遂以乙巳名卓爲縣齋立我慰古風
流匪繫官階級許家丁卯橋午橋恐難及高節且勿論
鴻文誰得接君也繼芳蹤政閒詞亦洽文章風月場隨
處趣可涉與縣幸同時我亦慶簪盞

次韻和黃樹齋同年卽送楚遊時予亦將北上

鐘鼓恩恩又報晴試鐙時節豫章城客忙佳寺疑無事
春好辭鄉覺不情一覺繁華吳婦夢

樹齋近有罷姬九
之悼姬固吳人

歌哀怨楚人聲我猶遲滯君輕去各與纏綿待句成

送前萬年縣張小珣大令

家桀

卽題其詩集

閱盡升沉剩此身廿年蹤跡似浮雲朋儕誰可呼將伯
父老應能識使君看劍自豪詩亦健讀書何益硯堪焚
蘭苔翡翠分明在塵眼吾慙艾葉熏

章門僧舍和壁間舊題

未能休暇且居停靜裏閒觀百感生野草亂花紅粉墓
妃婁朔風寒日白沙城僧房住慣行無碍世路經多記不
清壁上舊題誰氏子誦詩如有故人情

王煦亭別駕煊出示近詩題此以贈

偶談詩興便忘形邂逅相逢戀友生誰處市鬻爲吏隱

能通土語有鄉情

煦亭隨宦吾粵最久能操粵音

耽吟癖酒何非累近

水依山到底清妍煞巴陵風雨句闌中游侶夢中程夫

工詩夢中得句云風雨巴陵道迢迢不計程

遊春

惜花耽酒記年時一樣遊春意卻違只有鳴禽如舊識

爲儂喚起更催歸喚起催歸皆鳥名用韓詩

晚泊

日斜仍帶雨霏霏晚倚篷窓托興微村市人歸沽酒艇
林泉家聚釣魚磯中年已過窮通定前路方長去住違
野鷺亦如吾累重江湖謀食挈羣飛

望湖

絕頂憑臨有所思五湖風景遂如斯雲邊破碎帆千葉
雪裏孤寒塔一枝楚國雨雲吳國夢秦人事業漢人悲
黃塵烏帽年年過應恐閒驢笑客疲

題碧雲軒

在饒州芝山范
文正公遺跡

七百年前事茫茫首重回雲霞軒一角霖雨位三台愧

我爲官長輸公作秀才政成方勝賞此地敢輕來
宦跡三椽屋人家藺戶烟曾爲仁者郡應有義方田今
昔感湖上樂疊生酒邊餘祥產芝草采薦吏如仙

寄鄉幕舊同年時主講東湖書院

柴門扃得便宜局何苦移家更入城經自要傳延伏叟
書雖能著困虞卿窮疏故舊多疑慮老戀妻孥亦至情
七十明朝猶有待且謀春酒祝先生

近有七十明朝是數十首